


欽定八旗通志

典禮志

卷八十七

之八十八



欽定八旗通志卷八十七

典禮志十

王公等喪禮

王公等喪禮

公主王妃等喪禮

王

和碩親王薨

書法

上撥朝三日會喪者和碩親王以下奉恩將軍以上民

公侯伯都統尚書子爵以下佐領騎都尉以上及

本翼宗室集於外固倫公主和碩福晉以下奉恩

將軍恭人以上集於內全設儀仗並鞍馬空馬各

十五匹彩棺朱髻飾金龍內襯五層喪主王長子無則長

孫承重及餘子皆剪髮辮去冠飾主婦王福晉無則承以冢婦

及諸婦以下皆去首飾散髮成服王所屬官員俱

成服初祭

上賜牛一羊八酒九瓶紙錢三萬入祭

賜同加封謚給造墳銀五千兩命工部立碑墳前並建

應宗碑亭翰林院撰給碑文初祭除

上賜羊紙外自備引幡一桿金銀錠七萬紙錢四萬祭

饌三十席羊九隻次祭同百日期年用金銀錠一

萬紙錢一萬祭饌十五席羊九隻

上賜羊紙遣官詣墳致祭二次王所屬宗室官員於墳

前門外跪迎俟所遣官過隨入讀祝祭奠畢仍送

諭祭官至迎接受所望言以王奉恩燕軍旅人以

闕謝對曰時感尚書子會以王餘財以王某無代國

恩行三跪九叩頭禮世子薨王以王奉恩燕軍以土與

上輟朝三日會喪者和碩親王以下奉恩將軍以上民
公侯伯都統尚書子爵以下叅領以上集於外圍
倫公主和碩福晉以下奉恩將軍恭人以上集於
丙全設儀仗並鞍馬空馬各十四匹初祭
上賜牛一羊八酒九瓶紙錢二萬五千次祭
賜同給造墳銀四千兩初祭除

上賜羊紙外自備引幡一桿金銀錠六萬五千紙錢四
萬祭饌二十席羊九隻次祭同百日期年用金銀

錠一萬紙錢一萬祭饌十五席羊九隻彩棺朱髹

繪龍殮視造墳封諡立碑

諭祭等項俱如和碩親王例郡王墓

上輟朝二日會喪者和碩親王以下奉恩將軍以上民
公侯伯都統尚書子爵以下叅領以上集於外圍
倫公主和碩福晉以下奉恩將軍恭人以上集於
丙全設儀仗並鞍馬空馬各十四匹初祭
上賜牛一羊六酒七瓶紙錢二萬三千次祭

賜同給造墳銀三千兩初祭除

上賜羊紙外自備引旛一桿金銀錠六萬紙錢三萬七

千祭饌二十五席羊七隻次祭同百日期年用金

銀錠一萬紙錢一萬祭饌十三席羊七隻彩棺朱

髻繪龍殮襯造墳封諡立碑

論祭等項俱如和碩親王例貝勒薨

上輟朝一日會喪者世子郡王以下奉恩將軍以上民

公侯伯都統尚書子爵以下本旗佐領集於外和

碩公主世子郡王福晉以下奉恩將軍恭人以士

集於內全設儀仗並鞍馬空馬各十三匹初祭

上賜牛一羊四酒五瓶紙錢一萬五千次祭

賜同給造墳銀二千兩初祭除

上賜羊紙外自備引旛一桿金銀錠五萬紙錢三萬五

千祭饌二十席羊五隻次祭同百日期年用金銀

錠一萬紙錢一萬祭饌十席羊五隻彩棺朱髻繪

蟒殮襯造墳封諡立碑

諭祭等項俱如和碩親王例不造碑亭貝子薨會喪者

貝勒以下奉恩將軍以上民公侯伯都統尚書子

爵本旗叅領郎中以上集於外貝勒夫人以下奉

恩將軍恭人以上集於內全設儀仗並鞍馬空馬

各十二匹用彩棺朱髹繪蟒內襯三層初祭

上賜羊五隻酒五瓶紙錢一萬次祭

賜同給造墳銀一千兩初祭除

上賜羊紙外自備引旛一桿金銀錠四萬紙錢三萬祭

饌十五席羊三隻次祭同百日期年用金銀錠八

千紙錢八千祭饌八席羊五隻封諡立碑

諭祭等項俱如貝勒例鎮國公卒會喪者貝子以下奉

國將軍以上集於外郡君貝子夫人以下集於內

全設執事並鞍馬空馬各十匹初祭

上賜羊四隻酒四瓶紙錢九千次祭

賜同給造墳銀五百兩初祭除

上賜羊紙外自備引旛一桿金銀錠三萬紙錢三萬

上賜羊祭饌十五席羊三隻次祭同百日期年用金銀
同鏡七千紙錢七千祭饌七席羊四隻彩棺殮襯封
上賜諡立碑

諭祭等項俱如固山貝子例輔國公卒會喪者貝子以

下奉國將軍以上集於外郡君貝子夫人以下集

於內全設執事並鞍馬空馬各八匹初祭以可去

上賜羊四隻酒四瓶紙錢八千次祭

賜同給造墳銀五百兩初祭除戶

上賜羊紙外自備引旛一桿金銀鏡二萬紙錢一萬二

千祭饌十五席羊三隻次祭同百日期年用金銀

鏡六千紙錢六千祭饌七席羊四隻彩棺殮襯封

諡立碑

諭祭等項俱如鎮國公例鎮國將軍卒輔國公以下奉

國將軍以上集於外用朱棺襯一層設執事並鞍

馬七匹初祭

上賜羊二隻酒二瓶紙錢五千次祭

賜同初祭除

上賜羊紙外自備引旛一桿金銀錠六千紙錢一千祭

饌六席羊三隻次祭同

上仍賜羊紙遣官祭一次翰林院撰給祭文迎接謝

恩如例立碑候

旨行輔國將軍卒會喪者鎮國將軍以下集於外用朱

棺襯一層設執事並鞍馬五匹初祭

上賜羊一隻酒一瓶紙錢四十次祭

賜同初祭除

上賜羊紙外自備引旛一桿金銀錠五千紙錢六千祭

饌五席羊三隻次祭同

上仍賜羊紙遣官祭一次內閣撰給祭文迎接謝

恩如例自立碑內閣撰給碑文奉國將軍卒會喪者輔

國將軍以下集於外用朱棺襯一層設執事並鞍

馬四匹初祭次祭

上共賜羊一隻酒二瓶紙錢六千初祭自備引旛一桿

上共銀錠四千紙錢四千祭饌四席羊一雙次祭同上所賜羊紙亦在數內

上仍賜羊紙遣官祭一次迎接謝禮一層結紼每前並恩如例奉恩將軍卒不會喪用朱棺襯一層設執事並

上仍賜羊紙遣官祭一次迎接謝禮一層結紼每前並

上共賜羊一隻酒三瓶紙錢三千初祭自備引旛一桿

金銀錠三千紙錢三千祭饌三席羊一雙次祭同

不撰祭文宗室卒用朱棺襯一層鞍馬二匹初次

祭用引旛一桿金銀錠二千紙錢三千祭饌三席

羊二隻八分以內和碩親王已娶妻未封之子卒

用鞍馬七匹郡王子用鞍馬六匹貝勒子用鞍馬

五匹貝子之子卒用鞍馬四匹鎮國公輔國公之

子卒用鞍馬三匹建造墓室聽便八分以內無品級

宗室卒所用馬羊金銀錠紙錢祭饌照鎮國將軍

例和碩親王以下貝子以上薨鎮國公輔國公卒

俱由宗人府題請

賜封諡得

旨賜諡內閣擬諡以

聞鎮國將軍輔國將軍卒應否與諡宗人府具題請

旨奉國將軍以下不疏請葬期親王期年而葬郡王貝

勒七月而葬貝子以下公以上五月而葬凡應會

喪者進衙門用常服辦事如至喪家及墳所仍用

喪服

御前公侯伯內大臣護軍統領護軍叅領以上官員及

部員不應會喪者奉

旨遣往方許赴喪其餘各旗護軍統領護軍叅領護衛

各隨本府王等赴喪各官命婦亦隨本府王妃等

赴喪不許私往

公主王妃等喪禮

親王福晉薨會喪者和碩親王以下奉國將軍以

上集於外固倫公主親王福晉以下奉國將軍恭

人以上集於內設儀仗鞍馬六匹用彩棺內襯五

層王下官員帽除纓官員妻俱喪服初祭次祭日
上賜牛一隻羊八隻酒九瓶紙錢三萬餘儀與親王喪
同世子福晉薨會喪者世子郡王以下奉恩將軍
以上固倫公主以下奉恩將軍恭人以上屬員服
喪及棺襯俱如親王福晉例設儀仗鞍馬五匹初
祭次祭日

上賜牛一隻羊六隻酒七瓶紙錢一萬五千餘儀與世
子同郡王福晉與世子福晉喪同貝勒夫人薨惟

固倫公主親王福晉不會喪屬員服喪及棺襯俱
如郡王福晉例設儀仗鞍馬四匹初祭次祭日除
上賜羊五隻酒五瓶紙錢一萬餘儀與貝勒喪同貝子
夫人薨會喪者貝勒以下集於外郡主貝子夫人
以下集於內屬員服喪俱如貝勒夫人例用彩棺
內襯三層設儀仗鞍馬三匹初祭次祭日

上賜羊三隻酒三瓶紙錢七千餘儀與貝子喪同鎮國
公夫人卒會喪貝子以下集於外郡君貝子夫人

集於內屬員服喪及棺襯執事馬匹俱如貝子夫

人例初祭次祭日

上賜羊二隻酒三瓶紙錢六千餘儀與鎮國公喪同輔

國公夫人卒惟郡君不會喪屬員服喪及棺襯執

事馬匹俱如鎮國公夫人例初祭次祭日

上賜羊二隻酒三瓶紙錢五千餘儀與輔國公喪同固

倫公主薨會喪者和碩親王以下奉國將軍以上

集於外固倫公主親王福晉以下奉國將軍淑人

以上集於內所屬官員俱喪服全設儀仗並鞍馬

六匹用彩棺襯五層

上共賜牛一羊八酒九瓶紙錢二萬餘儀節與親王喪

同若下嫁外藩翰林院撰擬祭文遣官致祭和碩

公主薨會喪者世子郡王以下奉恩將軍以上固

倫公主以下奉恩將軍恭人以上所屬官員俱喪

服全設儀仗並鞍馬五匹用彩棺襯五層

上共賜牛一羊六酒七瓶紙錢一萬七千儀節與世子

福晉同郡主喪儀與郡王福晉同縣主喪儀與貝

勒夫人同郡君喪儀與貝子夫人同縣君喪儀與

鎮國公夫人同鄉君喪儀與輔國公夫人同若下嫁

外藩均遣官致祭如儀親王側福晉喪與世子福

晉同惟

諭祭一次禮部疏請候

旨遵行不撰祭文世子側福晉喪與郡王福晉同郡王

側福晉喪與貝勒夫人同貝勒側夫人喪與貝子

夫人同貝子側夫人喪與鎮國公夫人同鎮國公

側夫人喪與輔國公夫人同輔國公側夫人喪輔

國公以下會喪餘與輔國公夫人同

王公等塋制

王府塋制親王享堂五間門三間描畫五彩飛金

小花圍牆一百丈門外房五間碑亭一座守塚人

十家世子郡王享堂三間門三間畫五彩小花圍

牆八十丈門外房三間碑亭一座守塚人八家

固倫

同 公主 貝勒貝子享堂三間門三間紅油圍牆七十

丈門外房三間守塚人六家 和碩公主鎮國公輔

國公享堂三間門三間紅油圍牆六十丈守塚人

四家 縣主郡君

葬費親王造墳銀五千兩世子造墳銀四千兩郡

王造墳銀三千兩貝勒造墳銀二千兩貝子造墳

銀一千兩鎮國公輔國公鎮國將軍造墳銀均五

百兩輔國將軍造墳銀四百兩公夫人同鎮國公

王府碑制親王石碑交龍首高四尺五寸碑身高

九尺濶三尺八寸七分龍跌高四尺五寸郡王石

碑交龍首高三尺九寸碑身高九尺濶三尺八寸

龍跌高四尺三寸貝勒石碑交龍首高三尺六寸

碑身高九尺濶三尺七寸三分龍跌高四尺一寸

貝子石碑交龍首高三尺四寸碑身高九尺濶三

尺六寸六分龍跌高四尺鎮國公輔國公石碑交

龍首高三尺三寸碑身高九尺濶三尺六寸三分

龍跌高三尺九寸

鎮國將軍碑式照一品例輔國將軍碑式照三品

例

王府造碑料價親王碑價銀三千兩世子碑價銀

二千五百兩郡王碑價銀二千兩貝勒碑價銀一

千兩貝子碑價銀七百兩鎮國公輔國公碑價銀

各四百五十兩鎮國將軍碑價銀三百五十兩輔

國將軍碑價銀三百兩

順治五年十月定

賜諸王以下修造園塋銀兩以和碩禮親王與眾不同

特賜銀一萬兩

乾隆十二年三月

諭據公九如奏請指俸借銀三千兩修伊高祖英親王

阿濟格園寢英親王原係國家宣力名王今伊園寢

年久傾頽不必借俸修理着即加恩交與工部撥官

帑修理

三十八年二月

諭睿親王多爾袞當

世祖章皇帝冲齡踐阼時攝政有年威福自專不能恪盡

臣節身歿之後因其屬人首告經諸王大臣定罪除

封成案具在第八我朝定鼎之初睿親王實先率眾入

關肅清京輦檄定中原前勞未可盡泯今其後嗣廢

絕而瑩域之在東直門外者歲久益就榛蕪亦堪憫

惻著交內務府派員前往相視將墻屋傾頽者酌加

繕葺仍為量植松楸並准其近支王公等以時祭掃

用昭朕篤念成勲瑕瑜不掩之至意

四十二年

諭現在修理履端郡王墳塋着加恩於養心殿內庫賞

銀二萬兩

官員喪禮

異姓公和碩額駙卒用朱棺襯一層設執事並鞍

馬七匹初祭用引旛一桿金銀錠八千紙錢八千

祭饌八席羊四隻次祭同侯伯卒用朱棺襯一層
設執事並鞍馬六匹初祭用引旛一桿金銀錠七
千紙錢七千祭饌七席羊四隻次祭同一品官卒
用朱棺襯一層設執事並鞍馬五匹初祭用引旛
一桿金銀錠六千紙錢六千祭饌六席羊三隻次
祭同二品官卒用朱棺襯一層設執事並鞍馬四
匹初祭用引旛一桿金銀錠五千紙錢五千祭饌
五席羊三隻次祭同三品官卒用朱棺襯一層設

執事並鞍馬三匹初祭用引旛一桿金銀錠四千
紙錢四千祭饌四席羊二隻次祭同四品官卒用
朱棺襯一層設執事並鞍馬二匹初祭用引旛一
桿金銀錠三千紙錢三千祭饌三席羊二隻次祭
同五品官以下至有頂帶官故用朱棺襯一層設
執事並鞍馬二匹初祭用引旛一桿金銀錠二千
紙錢二千祭饌二席羊一隻次祭同異姓公以下
至有頂帶官父母妻及未分家子故用鞍馬一匹

其金銀錠紙錢祭饌羊各照其父子夫品級用百日期年及常祭止許用金銀錠一千紙錢二千祭饌三席羊一隻
公侯伯塋制墳週圍牆一面二十度共八十度四戶看守一品二品官員墳週圍牆三面各十七度半共七十度三戶看守三品四品五品官員墳週圍牆一面十五度共六十度一戶看守安葬在各墳院內安葬六品官員以下有頂帶官員以上如

有親戚墳院內安葬者週圍砌牆一面六度共二十四度六品官員以下看墳不過二人

墳塋石獸一品塋地九十步墳高一丈八尺二品塋地八十步墳高一丈四尺三品塋地七十步墳高一丈二尺石獸並六四品塋地六十步五品塋地五十步墳高八尺石獸並四六品塋地四十步七品塋地二十步墳高六尺發步皆從塋心數至邊五品以上用碑龜趺螭首六品以下用碣方趺

官員碑制石像生民公侯伯石碑螭首高三尺三寸碑身高九尺濶三尺六寸龜趺高三尺八寸一品石碑螭首高三尺碑身高八尺五寸濶三尺四寸龜趺高三尺六寸二品石碑麒麟首高一尺八寸碑身高八尺濶三尺二寸龜趺高三尺四寸以上俱用石人三石馬二石虎二石羊二石望柱二
 三品石碑天祿辟邪首高三尺六寸碑身高七尺

五寸濶三尺龜趺高三尺二寸石馬二石虎二石羊二石望柱二四品石碑圓首高二尺四寸碑身高七尺濶二尺八寸方趺高二尺石馬二石虎二石望柱二五品石碑圓首高二尺二寸碑身高六尺五寸濶二尺六寸方趺高二尺八寸石馬二石羊二石望柱二六品石碑圓首高二尺碑身高六尺濶二尺四寸方趺高三尺六寸七品石碑圓首高一尺八寸碑身高五尺五寸濶二尺二寸方趺

高三尺四寸
順治十八年議准在京部院滿洲蒙古漢軍大小
文員守制一月服滿卽出理事私居持服盡三年
喪禮外其奉差出兵文官以回京聞喪之日爲始
亦照定例遵行至各省駐防及在外出仕漢軍文
官伊父母在任病故者照例遵行在京病故者准
其離任回京以到日爲始守制半年仍私居持服
盡三年喪禮員缺另補

康熙七年

命內外八旗滿洲蒙古漢軍武官爲其父母祖父母及過
繼父母祖父母居喪三月私居仍持服三年奉差出外
者以回家之日爲始

康熙十二年議准旗下服制凡滿洲蒙古漢軍文
官以上遇有父母喪事不計閏准守制二十七月
又承重孫爲祖父母亦守制二十七月若長房無
子次房之長子亦應承重守制二十七月俱准其

百日剃頭照舊進署辦事仍在家居喪二十七日
滿日除服未除服之前凡穿朝服等處停其朝會
雍正元年定官民人等出殯除量造紙劄車馬輜
樓庫外其餘奇巧臺閣等項槩行禁止鞍馬衣箱
等喪家力能自備者照定例數目備用其或力不
能備除賃用棺罩執事外鞍馬衣箱等項徒滋糜
費應行禁止

乾隆二年

諭在京八旗文武各官遇有親喪例于持服百日之後
卽入署辦事原以旗員人少若令離任守制恐致悞
公而伊等在二十七月之內仍各于私居持服以自
盡其心惟是朝會祭祀之期或有執事或應陪祀之
處仍俱一體行走未加分別俾盡孝思嗣後在京旗
員有親喪者二十七月之內凡遇朝會祭祀之禮一
槩免其行走

樂與其計法
員有縣吏者二十日之內凡縣會
盡其
公而
捐入
欽定八旗通志卷八十七

欽定八旗通志卷八十八

典禮志十一

八旗卹典 王公卹典 官員卹典 旌表宗室覺
羅節孝 旌表官員兵丁節孝

王公卹典

順治十二年題准親王以下奉恩將軍以上薨故

者請

旨給與諡號

是年宗人府言襲替諸王奉

旨各照其父原封號襲封今已薨諸王應另加諡號勒碑

旨命疏人

詔從所請

十四年定貝勒以下奉恩將軍以上無後嗣者仍

予諡立碑

康熙二年題准貝勒以下奉恩將軍以上薨故者

與停題請給諡若應與諡者仍候

旨給賜

八十八

四年題准貝勒以下輔國將軍以上薨故者應否

與諡題請

欽定

九年宗人府等衙門題前代舊制諸王薨逝將諡

號載於封號之下

本朝見行例諸王薨逝給與諡號勒碑不將封號刊

勒恐後世之人難曉今臣等酌議薨逝諸王未與

諡號者應於封號下加諡號一字已與諡號者仍

加寫封號

詔從所請

本二十年大學士等奏追贈諸王諡號查前明時親

王諡號係用二字郡王以下護國將軍以上皆用

二字

上曰以後追諡郡王滿漢文亦俱用一字

官員卹典

天聰八年定凡功臣已故而無兄弟子嗣承襲者

准照官職免其丁之半其妻故後方令應差

順治二年定大臣病故者旗下官由該都統咨送

吏部查明轉行禮部給與祭葬

九年定異姓公侯伯子及管事內大臣都統大學

士尚書鎮守省城總兵官卒禮部具題候

旨命工部立碑內院撰給碑文外照例給羊紙遣官捧

祭文祭一次如係承襲之公侯伯子卒照例給羊

紙外不給祭文不立碑如承襲後曾有專任効力

三年者仍給祭文候斬賊承襲官會官傳升該官
旨立碑都統副都統侍郎學士侍郎品級滿洲啟心郎
卒自立碑內院撰給碑文外照例給羊紙遣官捧
祭文祭一次如係承襲之官照例給羊紙不給祭
文不立碑如承襲後曾有專任効力三年者仍立
碑給祭文叅領理事官品級滿洲啟心郎理事官
輕車都尉卒照例給羊紙有專任滿三年者遣官
祭一次給祭文不立碑有專任未滿三年者及無

專任輕車都尉以下騎都尉雲騎尉以上照例給
羊紙不給祭文其承襲之公侯伯以下九品官以
上或効力有年歿於戰陣或在任病故吏部分別
咨禮部禮部具題其遣官

諭祭立碑皆候
旨行凡承襲之公侯伯以及有
勅書雲騎尉以上未上朝而卒者不給羊紙

順治十六年

諭朝廷軫念勞臣於其身後有諭祭之典及加謚立碑等
項酬績勸忠所關甚重必其生平或行間著績或奉職
勤勞乃堪承此典今凡牛象章京及拜他喇布勒哈番
等官身故者一槩諭祭於典制未合反爲輕用恩卹着
另詳議定例具奏

十七年四月禮部遵

旨更定諭祭造葬例凡以功封民公侯伯病故者照會典
例造墳仍照品級給與紙張羊酒遣官致祭一次

加祭者出自

上裁如承襲効有勤勞者題請祭葬候

旨舉行都統有職掌內大臣大學士尚書左右都御史
有兼銜加級者各按品照會典例造葬仍照世職
品級給紙張羊酒遣官致祭一次如承襲子爵効
有勤勞者題請祭葬候

旨舉行都統侍郎學士副都統副都御史有兼銜加級
至一品二品者各按品照會典例造葬仍照世職

品級給紙張羊酒遣官致祭一次通政使大理寺卿已經考滿者照會典例造葬未經考滿者減半造葬仍照世職品級給紙張羊酒遣官致祭一次老病致仕者照會典例造墳給與紙張羊酒遣官致祭與現任官同無職掌內大臣前未有諭祭之例今議雖無職掌但係內大臣應與紙張羊酒遣官致祭一次無造葬參領郎中佐領員外郎等陣亡者給與紙張羊酒遣官致祭造葬否則不致祭

旨以造葬其武職參領以下文職卿郎中以下等官有輕車都尉騎都尉雲騎尉世職者照舊給與紙張羊酒無世職者不給議上

詔從所議

康熙九年題准本身所得民公侯伯病故給與全葬並致祭銀兩遣官讀文致祭一次應否與謚請旨定奪如有優卹出自餘與全葬並致祭銀兩數目聖旨承襲公侯伯病故卹典同內大臣都統子爵品級

聖旨散秩大臣大學士尚書左都御史鎮守將軍提督
病故者各照品級給與全葬並致祭銀兩遣官讀

文致祭一次應否與諡請

旨定奪如有陣亡者優卹出自

聖旨男爵學士副都御史總督總兵官加級至一品巡

撫病故各照所加品級給與全葬並致祭銀兩遣

官讀文致祭一次應否與諡請

旨定奪學士副都御史巡撫通政使大理寺卿病故三

年任滿者給與全葬未滿三年者給與半葬俱給

致祭銀兩遣官讀文致祭一次不請諡有加級者

仍照前例請諡布政使副將病故各照品級給與

全葬並致祭銀兩遣官讀文致祭一次不請諡雲

騎尉三等侍衛護衛以上陣亡者各照加贈品級

給與全葬並致祭銀兩遣官讀文致祭一次凡與

諡一品官員工部立碑碑文內閣撰擬尚書侍郎

等官以原官原品解任及隨旗上朝官員病故卹

典與現任同如無原官字樣止以原品上朝者不
准卹尙書都御史侍郎學士副都御史通政使大
理寺卿總督巡撫布政使提督總兵官副將以甄
別京察年老有病原品致仕病故者俱不准卹承
襲官員加至男爵者給與半葬遣官致祭一次承
襲公以下雲騎尉以上未及歲滿上朝者不准卹
九年題康熙二年奉

上諭一品二品官曾經賜諡者除造墳外仍與立碑其

品官加級至二品者禮部原未定有立碑之例今

陝西巡撫白清額既奉

旨賜諡應照二品官立碑嗣後官員凡給賜諡者即照此

例行

詔從所請

三十八年

諭閒散子爵甚多有何給與諡號之處嗣後若頭等大臣

仍將應否給與諡號照舊請旨閒散子爵及副都統侍

郎等官將請給諡號之處俱著停止只將給與全葬半葬部內一次致祭之處題請

四十四年題准嗣後男爵以下雲騎尉以上官員若係本身所得之官與襲職後又能効力得官病故者俱照舊例給與一次致祭銀兩其襲職官員俱停支給祭銀

又定武官奮勇力戰陣亡除給卹銀加贈品級廕子弟一人外仍照舊例給與全葬遣官致祭凡民

公侯伯以下官員致祭銀兩定例公四十兩侯三

十五兩伯三十兩一品官二十五兩二品官二十

兩三品官十六兩四品官十二兩五品官十兩

十八年議准民公造墳銀六百五十兩侯六百兩

伯五百五十兩一品官五百兩二品官四百兩三

品官三百兩四品官二百兩五品官至七品官一

百兩凡一品二品由禮部題請三品以下官死難

者始行題請在旗下工部給發

凡與諡大臣立碑工價銀兩定例公侯伯各四百
 兩一品官三百五十兩二品官三百兩三品官二
 百五十兩給本家自造百兩正一品官二百兩二
 品官一百兩三品官五十兩
 順治九年

諭諸王宗室覺羅內有孝友義順及守節貞烈者宗人府

核實具奏禮部題請旌表

十年題准宗室內節孝者各依等第頒給

恩賜親王固倫公主親王福晉給銀一百兩緞十六疋

世子碩親王親王側福晉世子福晉給銀九十

兩緞十四疋郡王郡主世子側福晉郡王福晉給

銀八十五兩緞十二疋貝勒縣主郡王側福晉貝

勒嫡夫人給銀八十兩緞十一疋貝子貝勒側夫

人郡君貝子嫡夫人給銀七十五兩緞十疋鎮國

公貝子側夫人縣君鎮國公夫人給銀七十兩緞

九疋輔國公鎮國公側夫人鄉君輔國公夫人給

銀六十五兩緞八疋鎮國將軍輔國公側夫人給
銀六十兩緞七疋輔國將軍鎮國將軍夫人給銀
五十五兩緞六疋奉國將軍輔國將軍夫人給銀
五十兩緞五疋奉恩將軍奉國將軍淑人給銀四
十五兩緞四疋奉恩將軍恭人給銀四十兩緞三
疋鎮國將軍輔國將軍奉國將軍奉恩將軍女及
閒散宗室並妻女給銀三十五兩緞二疋以上俱
由戶部頒給內院撰擬旨節婦一兩緞一疋

勅命一道獎諭凡旌表貞節者自固倫公主親王妃以
下輔國公夫人以上俱照等第除

欽賜羊酒紙張外禮部仍照定例另給羊酒紙張內院
撰文遣官致祭鎮國將軍夫人以下閒散宗室妻
女部給羊酒紙張內院撰文遣官致祭凡覺羅內
有節孝者給銀三十兩緞一疋有貞烈者給羊酒
紙張內院撰文遣官致祭

十三年題准親王薨妾媵殉節者禮部給羊酒紙

張內院撰文遣官致祭

旌表官員兵丁節孝

順治九年題准滿洲蒙古漢軍孝子順孫義夫節婦該管佐領驍騎校核實送叅領叅領核實送都統副都統都統副都統核實送禮部禮部核實奏請旌表

丁十年題准凡旌表節孝滿洲蒙古漢軍支戶部廬銀三十兩聽其自行建坊

十二年題准滿洲蒙古漢軍孝子順孫義夫節婦應令叅領佐領查明保送都統副都統再加核實年終送禮部分別題請旌表

康熙三十七年

諭興起教化鼓舞品行必以孝道爲先孝子尤宜褒獎八旗貧人克盡孝道誠爲非易如有盡孝於其父母者察明奏聞

五十一年題鑲紅旗有受聘未婚之女聞訃剪髮

穿孝敬守夫墓守節三年從容自縊與尋常輕生者不同奉

旨著照例旌表

雍正元年

恩旨節婦年逾四旬而身故計其守節已歷十五載以上者亦應酌量旌獎又

恩旨旌表節義給銀建坊民間往往視為具文未曾建立恐日久仍至泯沒不能使民間有所觀感著於地方公

所設立祠宇將前後忠孝節義之人俱標姓氏於其上

已故者則設牌位於祠中祭祀用以闡幽光而垂永久

著交該部議奏禮部議覆八旗分左右翼擇地各建一

祠一為忠義孝弟之祠立石碑一通將前後忠義

孝弟之人刊刻姓氏於其上已故者設牌位於祠

中一為節孝之祠門外建大坊一座將前後節孝

婦女標題姓氏於其上已故者設牌位於祠中每

年春秋二次致祭交與大宛兩縣其建立祠宇牌

坊交與工部營造其建坊銀兩嗣後應行停給奉

旨孝行節義建立牌坊年久毀壞遂至湮沒今欲設立祠

宇特為昭垂久遠之意並非欲節省錢糧部議建立祠

宇停給建坊銀兩不合建坊銀兩仍著給與餘依議

四年鑲白旗貞女未婚聞壻病故自盡家人救甦

至次日剪髮摘環哭往壻家願終守墳墓該旗都

統奏請旌表奉

旨如此貞節甚屬可嘉理應旌表

昔十三年八月順天學政錢陳羣奏稱婦人三十歲

以內夫死守節在先迨撫孤成立之後因子顯達

始獲受封者准予旌表具奏禮部議覆嗣後除受

封在先夫死在後之命婦仍照例毋庸旌表外其

三十歲以前夫死守節在先後因子貴受封之節

婦查明確實准其一體旌表奉

旨依議

乾隆十四年五月江蘇巡撫覺羅雅爾哈善奏各

省題報節婦應分別辦理奉
上諭國家旌表節孝所以發潛德之幽光正倫常而維
風化典至重也比見各省具題不過核其年例相符
遽請建坊崇祀非有奇節卓特之行其何以示勸今
經江蘇巡撫雅爾哈善奏請畧爲區別果係節而兼
孝或能教子成立或貧無依倚艱苦自守或嬰形自
矢百折不回凡此卓卓奇節著於閭閻非尋常可比
者應於彙題時聲明請旨特賜建坊祠內照例標題

設位致祭其餘循分守節以老者准其附入彙題書
姓氏於總坊設位祠中不必更給坊銀等語雅爾哈
善所奏似猶未免爲節省錢糧起見而朕意則以爲
事當核實惟核實則庸庸者不得雜出其間而苦節
有以自見蓋國家令典雖曰善善欲其長而名器過
濫則無以示觀感且孝子當旌而不被旌者非卽不
孝也節婦當旌而不被旌者亦非謂其不必守節也
江蘇一省歲至二百餘人俱令設位祠中日久濫觴

將無地可容豈所謂稱盛典耶他如名宦鄉賢其克當之無愧者代有幾人而題請崇祀不一而足無非督撫及該地方鄉紳欲爲他日自身計未問其人之名實相副與否卽幸而贓私不致敗露亦難掩後人耳目徒滋訾議上年滇省請以侍郎許希孔入鄉賢朕經詳悉頒示明旨令各省督撫詳慎核實雅爾哈善此奏甚爲有見著九卿定議具奏經九卿議覆內稱州縣親民之官果其民俗關心何致訪求不實

請令直省督撫訓示地方有司實心體訪諮於學校詢於輿論如係夫亡守志舅姑年老無倚婦兼子職奉養終身或宗祧所係藐孤癯子撫育有成以綿嗣續或外迫強暴毀形見志事近捐軀終保貞潔或境處單微甘心荼蓼饑寒併迫秉節愈堅如斯之類孝義兼全阨窮堪憫允宜亟爲表彰具結詳報督撫學臣秉公確查彙疏題請

旌表給銀建坊歿後致祭祠內以光俎豆其在荒村僻

欽定八旗通志 卷八十一
其末壤孤苦單寒舉報無力易致湮沒尤宜搜訪詳報以昭顯幽閨微之義如因仍故習委之隣族呈報胥役核查以致舉報不實單寒遺漏俱照定例叅處督撫不據實糾叅別經發覺亦交該部議處至於尋常守節若槩令入祠崇祀當此風化盛明之時人敦節義誠有無地可容之患但既經守節合例亦不忍令其湮沒不彰應令地方官於本家呈報之時核其年例相符詳明督撫學臣酌量給匾

嘉獎附疏彙題仍於祠內統建一碑俟具題之後陸續刊刻姓氏載入本州縣誌書毋庸特予建坊設位奉祀八旗節孝亦照此例畫一辦理奉

旨依議

十五年三月禮部議覆湖北巡撫唐綏祖條奏各省給匾嘉獎節婦應照百歲老人之例交內閣撰擬給匾字樣奉

旨依議嗣經內閣交出

欽定清標彤管字樣

三十二年十二月黑龍江將軍福僧阿奏請索倫
巴爾虎達虎里人等

旌表之處應行停止經大學士等議奏索倫巴爾虎達
虎里咨查

旌表節孝人等永行停止伊犁係新駐之處毋庸咨查
至凡有旗人省分咨送

旌表孝子順孫義夫之處竊思滿洲舊習直樸孝義之

行俱係分內之事應請嗣後停止奏准通行

三十九年五月據總管烏魯木齊等處都統索諾
木策凌咨巴里坤正紅旗對齊佐領下前鋒特柱
之妻伊爾根覺羅氏應否照依內地之例一體

旌表經禮部查烏魯木齊巴里坤駐防官兵係由西安
寧夏等處移駐雖係新設實與內地無異且前在
西安等處有貞節婦女均得援例請

旌與黑龍江所屬呼倫貝爾打牲遊牧各處原屬迥別

奏准

旌表

欽定八旗通志卷八十八

